

U cilju uspostavljanja međusobne saradnje u okviru svojih nadležnosti, prevencije i suzbijanja seksualnog i rodno zasnovanog nasilja u BiH, povećanja pravičnosti, efikasnosti i transparentnosti pravosudnog sistema u BiH, prikupljanja i analize relevantnih informacija u postupcima procesuiranja predmeta seksualnog i rodno zasnovanog nasilja, sa ciljem pružanja podrške tekućem procesu reforme pravosudnog sektora, utvrđivanja sistemskih problema u procesuiranju predmeta seksualnog i rodno zasnovanog nasilja u nadležnosti pravosuđa, vršenja procjene u kojoj mjeri se pravosuđe pridržava relevantnih međunarodnih standarda i domaćih zakona koji regulišu seksualno i rodno zasnovano nasilje, te pomoći procesu izgradnje transparentnosti i povjerenja u rad pravosuđa, Centar ženskih prava (u daljem tekstu: Centar) i Kantonalni sud u Zenici dana 17.04.2026. godine zaključili su

## PROTOKOL O SARADNJI

### Član 1.

Ovim Protokolom uspostavlja se saradnja između strana potpisnica u vezi sa:

- Utvrđivanjem, realizacijom i konstantnim unaprijeđenjem oblasti i praktičnih modela međusobne saradnje
- Organizovanjem i učešćem u programima edukacije, obuka, stručnih savjetovanja i razmjena, konferencija na teme koje se tiču aktuelnih pitanja iz oblasti rodne ravnopravnosti u pravosuđu
- Razmjenom informacija, publikacija, literature i drugog naučnog i stručnog materijala
- Osiguravanju prostora za dijeljenje informativno-promotivnog materijala od značaja za upoznavanje sa pravima o rodno zasnovanom nasilju i rodnu ravnopravnost
- Pripremom i realizacijom naučno-istraživačkih i drugih projekata
- Realizacijom zajedničkih aktivnosti i korištenja raspoloživih resursa za provođenje istih.

### Član 2.

Poseban vid saradnje odnosi se na sprovođenje aktivnosti monitoringa/praćenja napretka u pogledu zaštite žena od rodno zasnovanog nasilja u sektoru pravosuđa kroz praćenje krivičnih postupaka u predmetima rodno zasnovanog i seksualnog nasilja.

### Član 3.

Centar ženskih prava se obavezuje da će sve aktivnosti tokom implementacije Protokola, posebno monitoringa sudskih postupaka, počivati na sljedećim načelima:

- načelo nemiješanja u sudski postupak;
- načelo nepristrasnosti;
- načelo profesionalnosti;
- načelo povjerljivosti.

Praćenje suđenja vršiti će monitorke (posmatračice) koje će svoj identitet potvrđivati akreditacijom Centra, o čemu će Sud biti pismeno obaviješten.

### Član 4.

Kantonalni sud u Zenici će osigurati pristup sudu i suđenjima monitorkama koje su određene za praćenje predmeta koji se odnose na procesuiranje seksualnog i rodno zasnovanog nasilja, što podrazumijeva:

- Odrediti službenu osobu zaduženu za kontakte i saradnju sa monitorkama, i o tome pismeno obavijestiti Centar.

- Blagovremeno obavještavati o rasporedu sudskih/krivičnih postupaka gdje su žrtve/oštećene ženskog spola, u skladu sa praksom Suda, i to za:
  1. **Krivična djela protiv života i tijela iz glave XVI KZ FBiH** ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017 i 31/2023), te iste glave XVI KZ FBiH ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017, 31/2023 i 58/2025);
  2. **Krivična djela protiv slobode i prava čovjeka i građanina iz glave XVII KZ FBiH** ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017, 31/2023 i 58/2025);
  3. **Krivična djela protiv spolne slobode i morala iz glave XIX KZ FBiH** ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017 i 31/2023), te iste glave XIX KZ FBiH ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017, 31/2023 i 58/2025);
  4. **Krivična djela protiv spolnog zlostavljanja i iskorištavanja djeteta iz glave XIXa KZ FBiH** ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017, 31/2023 i 58/2025);
  5. **Krivična djela protiv braka, porodice i mladeži iz glave XX KZ FBiH** ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017 i 31/2023), te iste glave XX KZ FBiH ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017, 31/2023 i 58/2025);
  6. **Krivična djela ratnog zločina.**
- Omogućiti prisustvo na ročištima za izjašnjenje o krivici, razmatranju sporazuma o priznanju krivice, izricanju krivičnih sankcija, postupcima po kaznenim nalogima i glavnim pretresima, uključujući i pristup suđenjima zatvorenim za javnost o čemu će u svakom konkretnom predmetu odlučivati postupajući sudija;
- Omogućiti uvid i kopiranje krivičnih spisa praćenih predmeta (optužnice, zapisnici, presude i obrazloženja), uključujući i predmete gdje je sudskim rješenjem javnost isključena. Odobrenje će za svaki predmet davati postupajući sudija;
- Za arhivirane predmete omogućiti uvid i kopiranje istih.

#### Član 5.

Protokol se zaključuje počev od dana njegovog potpisivanja od strane Centra i Predsjednice Kantonalnog suda u Zenici, i važi sve dok jedna od strana potpisnica ne izvijesti u pismenoj formi drugu stranu o svojoj odluci da otkazuje njegovo važenje.

#### Član 6.

Izmjene i dopune Protokola vrše se u formi pisanog aneksa.

#### Član 7.

Protokol o saradnji je potpisan u dva (2), od kojih svaka od strana potpisnica zadržava po jedan (1) primjerak.

za Centar ženskih prava

  
Meliha Sendić, predsjednica  
Broj: 1-133/26

za Kantonalni sud u Zenici

  
Snježana Čolaković, predsjednica

Broj: 004-0-Sudp-26-000492